

沂
澐
集



衡光戊申孟冬

游
齋
集



沈澹頌

敘

世謂衡嶽之高秀雲夢洞庭之大且深蜿蜒廟廟千百
里靈氣鬱鍾故楚才常甲於天下以文學論離騷九歌
獨上繼三百篇變風變雅之遺卓卓如唐代李杜諸君
子無不奉爲枕中鴻寶鎔鑄而變化之於虛盛哉然美
人香草思遠憂深山鬼女蘿聲悽調苦詩窮而後工之
說僉以爲萌蘖於此豈三湘七澤閒其發爲詠歌者半
含哀怨之思歟則又不然嘗於潤臣同年證之潤臣爲
楚世族承東卿年丈之令緒乃兄崑臣前輩由詞垣洊
擢中丞潤色鴻猷爲國霖雨一時喬梓輝映壘簾唱酬



余
洵家庭鼎盛之秋俗日褊淺或不免以尋常世胄齒余亦未之奇也歲丁未屆恭修

玉牒之期同以纂修官在館襄事校勘之暇時相過從遇事互爲商榷始深異焉異則異夫嶽峙淵涵不足方其器局也驅濤湧雲不足盡其言論也渾金璞玉不足測其品格也抉漢分章然犀燭怪不足喻其經史淹貫也於是相得甚歡竊恨見潤臣晚潤臣亦不以余爲謏陋而鄙棄之因備得讀其雁門諸集或如幽燕老將氣韻沈雄或如三河少年風流自賞綽有心得迥非皮毛於聲律者比蓋其性情敦厚天分卓越加以洗伐之功

於其鄉先生中駸駸跨懷麓堂而上當代不乏知音當不阿私余言也乎夫而後恍然於東卿年丈之教誨崑臣前輩之切磋收功良非淺鮮也而地靈人傑楚才之奇於斯益信夫潤臣異日翔步木天領大著作自分內事耳何足異者余亦不必爲潤臣異也茲將刻其沂濼集屬爲弁言余特述其締交始末而歸之未審潤臣以爲然否道光二十八年七月吉林寶鋆

調高潔爲老輩所推許方中丞秉臬於滇潤臣往視之
自陸而舟行數百日至偏橋驛將遊飛雲巖忽念庭闈
遂鼓柁東發遄歸京師錄其自南昌至別偏橋詩爲一
卷曰沂澗集藏之篋中閱七年矣今歲余官中書與潤
臣爲前後輩同直省闈得續曩歡暇出是集讀之如身
遊雲山蒼莽煙波浩淼閒繹其旨趣不徒流連光景實
有瞻望岷岵慨念脊令之遺意焉嘗攷澗水出黃平州
南金鳳山始名鎮陽江會合諸水以入于沅凡經三千
三百餘里所受小水無數實西南一巨浸也潤臣雖未
暇窮其源而沂洄中流忽焉以歸比之昔人興盡而返

殆有合焉宜乎詩之高潔動與古會蓋其蘊蓄之深寄
託之遠有獨至者矣顧自謙抑未嘗出以問世以余辱
總角交知之最深屬爲之敘余不獲辭因勸其授梓以
視海內抑聞潤臣先有雁門集詩尤雄壯他日卒業當
更爲敘以傳之也道光戊申季秋下澣曲阜孔憲彝

百間屋得元方而竝軌三世無慙借正禮以聯鑣雙丁
 豈讓使其仿清臣故族同登小宋之科來永叔高門齊
 雋大蘇之榜韓宗魏雍邱宅里木瑞梧桐賈敦頤洛邑
 循良碑崇常棣豈不摩天翼比得地柯駢也乎然而杞
 梓材均其不均者遇也壘篋奏協有難協者時也越石
 楚金士何妨於雙舉伏鸞隱鵠人幾見其兼收當夫三
 刺提刑兄應柏府五花判事弟只薇垣苦懷去日之多
 深悔別時之易話對牀之風雨猶記城南君有城南集看候
 館之津關曾過代北山圍夏屋雁門爭九塞之雄君又有雁
門集省令兄崑臣於代州作也閣擁秋屏鶴嶺踞三臺之勝莫不窮情

寫物感事興懷入夢西堂園柳鳴禽之句賡吟北寺木
 山引水之題柴復貞四隱編成聯珠再睹錢公善三華
 集就碎玉咸搜顧前乎此者雨驛煙郵行旅實終斯卷
 而後乎此者金屏玉署集賢固大有人觀其始自洪都
 訖乎邛水正爛熳而景斂九十秋光任窈窕以崎嶇三
 千客路雲澄紫蓋認楚疆萍實之橋風靜綠蘿紀秦代
 桃源之洞鮑明遠英辭俊筆公幹分庭謝元暉秀語奇
 章叔源失步霆奔電激破鬼膽以奚嫌露啜霞餐雜仙
 心而自遠所為施諸繪事疑觀輞水之圖被以絃歌請
 付旗亭之唱者矣綱孫謬同蒿倚幸託蘭交舊雨來時

快奇文而共賞停雲賦罷記佳日以相呼二十年老滯
朝官八千里長縈歸夢展百篇而三復知君獨至之情
吟一句以十回憶我曾游之地道光二十九年歲在徒
維作謠斗建辰之月昆明戴綱孫
千容
齊平
而
漢陽葉名澧潤臣箸

沂灘集

漢陽葉名澧潤臣箸

壬寅七月三日舟發南昌

是日立秋

又問黔中路勞人未肯休扁舟去南浦客意逼新秋祇
益詩篇富真成汗漫游燕山卜歸日風雪滿征裘
是夜泊市汊

扁舟沂章江向夕未停榜首途漸已秋涼颿動林莽岸
迴孤火明露下寒流廣行役亦已疲浩歌復何往

豐城縣

際曉發市汊午過豐城縣邑小人煙稀地靜鳧鷗徧連

峯宛覆盞清流亘長練山川閱人事俛仰淚成霰當年
識氣者有目明如電雙龍逝何鄉時來終汝見

金花潭

宋隆祐孟太后祀風處

烽火南來入吉州雙蟬零落倩誰收孤臣有淚垂松漠
侍女無魂傷玉鉤青蓋倉皇千古恨瑤華蕭瑟故宮秋
匡山莫問慈元廟橫海魚龍怒未休

苦竹洲

渺渺關河氣已秋雁飛幾日過南州風流不見漁洋叟

夕照蒼涼苦竹洲

王漁洋有苦竹洲間雁詩

樟樹鎮

明文成公誓師處

往日陽明叟英姿敵萬夫義旗下章貢大勇出真儒雄
鎮存枯木荒祠叫夜烏聖言期致用未覺象山孤

臨江河口

解纜乘清曉千山引去舟天寒微有雨江靜不驚鷗夾
岸風鳴葉孤蓬暑變秋授衣節未屆空覩舊貂裘

臨江府懷施公閏章

施公守湖西餘事惟講學清江白鷺間往返歲云數豫
章多名材一時中斤斲東南兵火後持節坐征椎瘠土
少人耕未忍事腴剝宅心六義中訂謨何其卓悠悠閣
阜雲流風歎絲邈載誦賣船篇執鞭慕先覺

早雲七夕雨泊新喻縣寄內
 此夕間風雨瀟瀟送遠征孤舟天末夢萬感暮灘聲牛
 女經年別波濤獨夜情相思同有淚際曉一燈明
 分宜縣
 清絕分宜縣涼風霽景饒人家綠畫堞帆影落危橋灘
 響中流合秋光萬象遙誰家橫玉笛蕭瑟木蘭橈

鈴山堂

蒼蒼松柏映茅廬十載鈴山手植餘贏得青詞傳後世
 彥回何不止中書

晚泊甘泉灣

隔嶺見孤村衝流下飛瀨夕陽散餘輝扁舟入蒼靄鐘
 鳴古寺遙犬吠荒煙外夜火識漁家涼風葭菼會

遣興

渡頭日初落寒色向人低峯轉分晴翠秋清見晚霓勞
 生倚戩楫力穡愧黔黎得失何須計憑虛理可齊

鍾山洪

舟行入鍾山如經七里瀨榜人輕利涉飛流過擊汰連
 峯俯絕壑盤旋自縈帶波濤息無時雲物蒼層靄岳谷
 幾人家逍遙陰松檜數蟬何處鳴蕭蕭動風籟眷念林
 居者日與物象會何必桃花源放情謝塵瑳

袁江阻風野泊

向夕袁江路秋光入望迷灘流隨雁轉山翠翼雲齊獨
權西風暮平皋細雨低蕭騷征客興片艇且安棲

袁州府客舍題壁

泝盡袁江險孤舟滯客魂雞聲聞驛館雉堞抱山村雨
急灘聲壯風高月色昏昌黎司牧地遺蹟共誰論

萍實橋

相傳楚昭王
得萍實處

放櫂荒城下沿緣晚景幽日斜看鳥度雨止聽谿流樹
色分吳楚風痕散鷺鷗南征不可復萍實更奚求

夜泊善洲橋

西風瑟瑟催殘暑波平如鏡愴容與扁舟日暮不逢人
兩岸蒼蒼搖禾黍羅霄山頭片月明善洲橋下秋水生
挂帆更泝湘東驛暮雨連江猿夜聲

灘行感興

五日萍鄉道羈懷未可刪沿灘念路險蓄水念民艱獨
酌秋光晚登艫物態閒勞勞頻道路慙負舊柴關

湘東驛

日夕湘東櫂征帆殊未休江風吹地轉嶽雨極天浮萬
族迎涼序孤蹤誤壯游荒村少醺醪古調憶三洲

晉三洲歌

云湘東醺醪酒

舟晚

萍川流水入湘東
日日看山暮雨中
傍晚扁舟何處泊
一天秋色滿青楓

醴陵縣

斜陽照荒邑
山谷多悲風
他鄉勞跋涉
行邁何時終
飢禽啼廢堡
寒霧迷孤蓬
慘澹九疑色
天外青濛濛
右倚潭州險
左顧彭蠡雄
萑爾茲彈丸
實爲南楚衝
千林秋氣早
丹翠明霜楓
徒歌送歲月
羈眺心多忡

下醴陵諸灘

灘行下醴陵
前山日欲落
亂石截中流
湍濤怒噴薄
薄光

清瀉澄鮮渦盤極
垠堦失勢一墜跌
性命隕如擗
冑忘垂堂戒微軀
飽蛟鱓篙師齊
鼓汰歡呼興自若
冥冥山外村
天風噪鴉雀

曉行淥口

布帆雨後不勝秋
淥水蕭蕭古渡頭
樓閣參差寒霧散
瀟湘迢遞亂雲浮
千春蘭芷騷人詠
幾處魚鹽估客舟
歲月總銷青鬢裏
蒼茫身世問川流

出淥口

飄渺楚峯青
乘風揚短舫
漁歌聞幾曲
夕色蔽前汀
雲氣開衡嶽
江聲走洞庭
憑舷發幽思
鼓瑟問湘靈

舟中對月

明月照征蓬寥寥萬象空秋涼微有霧江遠靜多風宿
鷺依迴渚歸鴉集晚楓天涯當此夕旅思幾人同

湘潭縣

芳草湘皋路乘流一溯洄游雲依片艇秋色送孤杯忽

憶陶園子飄然大雅才朱絃竟終古淪落不勝哀

邑人張度

西先生九鉞乾隆中官江西縣令有聲其所為詩為我朝兩楚之冠有陶園集

入長沙境

扁舟日日逐西風倦客空嗟似轉蓬漢渚鄉心飛鳥外
楚天秋色亂流中道鄉臺冷寒雲暮賈傅居荒夕照空

惆悵江山易陳迹不堪搖落對青楓

長沙府城外夜泊大風

七月二十七日

江行多飄風久客少歡意言遵長沙郡積水疑無地日
落見孤城艤舟城外寺仰觀嶽麓峯餘霞帶蒼翠洞庭
渺已秋風色際天異白雲時復流冉冉增羈思狂飆起
舵樓入夜更憂惴慨然宇宙間七尺茲焉寄角聲何處
聞孤燈警客寐

喬口

鼓櫂入喬口灣環眾水通暝連迴岸屋寒亞遠林楓湖
氣沅江外人煙暮雨中那堪洲渚望嘹唳徧哀鴻

益陽道中懷湯海秋戶部

鵬

挂席濱江路秋風日暮生故人方遠宦憐我尙孤征雲
物高陽里風塵曼倩情山川殊不惡何日卜歸耕

間底渡天心湖歌

麻陽艇子輕于葉乘流不讓矢飛捷今朝忽到天心湖
長風吹渡浪千疊波濤浩浩浮青冥白日出没中流明
奔雷歎雪不可止恍如鼓櫂凌滄瀛須臾到眼橫洲渚
令人回首心魄驚雲煙慘慘楓林青白鷗飄渺如我迎
舟人伐鼓醺神酒落帆已達龍陽首書生那厭行路難
醉後高歌拍銅斗

龍陽縣

楚水日夜漲西風猶未休波濤迷井里風雨撼城樓殘
夜鯨鯢鬪荒林薜荔秋飄零沙渚雁不斷向南遊

舟中書感

我徂沅江權百里驚濤奔居人適何所千室餘空村今
年夏雨多禾稼苦不蕃洞庭挾五谿地軸日夜翻蕭條
墟里中幾見炊煙存絕流競網罟薄暮漁舟喧殺機萌
口腹慘毒傷天仁沽魚不忍食恐爲亾者魂長風飽帆
勢感歎愁黃昏

暮泊常德府城下懷楊性農

彝

未涉干灘險停舟朗水涯秋光滿山翠何處故人家
枉
諸多冥雨風門山名帶落霞天涯歲云晏愁聽暮城鴉

日與招屈亭

逐臣千古怨懷沙猶有孤亭沅水涯短笛數聲蘆葦外
秋風何處問漁家

常德府

沅渚蒼茫入望疑江城八月客帆遲青楓瑟瑟經秋老
白雁聲聲向夜悲百代高名懷善卷九谿風雨下羅施
由來形勢誇黔楚鼓角徒興弔古思

曉發常德

去榜雞鳴發蒼蒼曉色昏秋風飛片席寒霧失前村
潦
涸秋花靜沙清宿鶩喧儻逢垂釣者一問武陵源

河湫山

俗訛爲何福山

羣山俯朗州蒼翠走絡繹宿霽散層陰落日帶荒驛舟
移風潮轉巖遠松杉積灘流激潺湲梵宇映丹碧乾坤
皆逆旅仙靈侈陳迹吾生信有涯大化任所適浩歌放
扁舟山禽啼向夕

雨中過桃源縣

邑小稀村市江聲盡日間孤帆低密雨隔嶺蔽寒雲
米
賤山田熟波明水鳥欣沅南城不見想像伏波軍

綠蘿江

沅水悠悠接綠蘿西風日暮奈愁何洞天寂寞無人問

獨倚篷窗聽櫂歌

綠蘿山道書以爲第四十二福地

桃源洞行

停舟桃花源洞閉已千載桃花落盡雞犬稀翠壑丹巖
長不改天風蒼蒼薜蘿深飛泉淅瀝如幽琴漁舟欸乃
不知數沅水東流自古今

晚泊桃源洞對岸

寥寥村市外過客未迷津柳色依行舫雞聲接比鄰樹
深時見犢谿靜足垂綸咫尺桃源路常爲太古民

穿石

相傳爲伏波避暑地

清秋肅萬象石壁森崔巍其傍諸山阜拱立如嬰孩孤
撐絕依倚遠勢交縈迴道遠太古雲漠漠千尋苔半空
竅厥腹石骨爲之摧不知造化始斧柯何由開江流窈
以曲噴薄旋風雷伏波昔南征茲焉避塵埃英雄不可
作俯仰生徘徊

姊妹山

二女此棲真不知何年代山空晝無人天風響環佩谿
水流彎環寺門靜相對幽禽叫深林雨氣深如晦

夷望溪

一名漁網溪

孤峯表危柱溪水相迴澹羣巒峙左右蒼翠如列屏峩
巖幾千載草樹騰繁英孤根入江底泮泮羣流清徑絕
疑無路忽見煙火明此中卜居者朝夕何所營日與漁
樵游甯有軒冕情清風動萬木喈喈眾鳥鳴曠望心自
適何必秦人迎

雨後舟中作

風帆不遑息萬險自朝昏浦樹含煙重灘流帶雨渾鬢
毛催歲月波浪役心魂得失差能悟思將古易論

高都驛

蠻方節候異八月未知秋殘霧灘邊戍悲風角外樓沿

谿漁唱合隔嶺柏林稠征櫂愁歸路江天歲易道

雨中過大敷谿

沉流北來注南望苦攀躋巖雨連江暗蠻煙蓋樹低魚
梁鳴亂石鳥道接層梯征路忘昏曉村雞祇亂啼

界首塘

川路何時已行行入百蠻雲荒搖壁暗雨急泝灘艱跋
涉勞歸夢煙霜益苦顏天涯游已倦但羨老漁閒

懷張亨甫

際亮

竟日疑風雨灘聲挾客舟故人阻江表征路黯離憂薄
醉難成夢他鄉畏及秋不知天外雁嘹唳更何求

夔子洞

重灘接九谿涉險自茲始蓬窗方掩臥大聲忽驚耳冥
冥日光寒鬢鬢石狀詭雷霆轉八埏冰雪薄萬矢窄徑
闕嶮巖扁舟鬪犀兕不知千載下空洞何時止十夫牽
一桅號呼無停趾鍊繩攀半厓跬步異生死灘外幾人
家眾木相叢倚寒蟬時一聞謾謾山風起

途次得崑臣伯兄黔中書

中年易離別無乃夢魂勞人去黔山遠風吹熨月高怪
禽依客榜毒雨下林皋欲寄高堂信開封首屢搔

中秋日艤舟明月山下登最高頂過明月庵日暮

而歸

灘行不知艱風水互相逐孤峯屹招提維舟傍曲泐窄
徑盤縈紆橫橋俯巖麓宿霧曖層霄夕暉蔽叢木清猿
啼滿林哀禽嘯深谷眞賞溢素襟清光娛遠日嫋嫋微
波涼娟娟秋月獨佳人渺何方中夜勞思服

是夜泊麻伊泐

愛月緩停橈舟行不厭遙檣燈明夜霧戍火傍山椒風
定支篷穩灘回束水驕浪游成底事旅思一尊銷

雷泐灘

雷聲何填填填填來萬灘大風轉地底亂石何盤盤巨

古蓄風雨百靈翔濤瀾澎湃半空際慘澹陰氣寒舵師
輕風浪簸揚人如丸入坎復出坎始知宇宙寬灘盡泊
我舟殷耳猶未殫

青浪灘遇雨

上有伏波將軍祠

噎噎山上雲磊磊谿中石迴風吹我來飄渺將焉適上
有倉浪天高飛無寸翮下有千仞淵蛟龍之所宅乾坤
失鴻濛崖壑肆洞闢萬竅中怒號一身苦跼蹐嗟予凜
垂堂及茲為遠客霧雨瞻靈旗默禱籲英魄

雨泊印家橋下

瀟瀟江上雨未夕纜孤舟去鳥紛寒色流雲攬客愁橋

敲衰柳暮泉響萬崖秋不寐勞棖觸年華付倦遊

雨夜寄內

征客輕波浪蕭寥百慮空長江連日雨孤櫂萬山中夜
氣沈寒瀑詩心感落楓遠游君莫笑筋力耐秋風

北斗灘

怪石凡七隱若斗杓

靈憲炳蒼昊璣衡司中央雌雄貫左右坤絡呈其光恍
惚乘靈槎遊戲漢津旁日月出其裏宙合為低昂倉浪
萬古天一氣浩茫茫千巖為喉舌萬壑為酒漿紫霞我
為佩翠雲我為裳仙人儻可遇乘風共翱翔

夜泊北溶驛

北浴谿上驛萬石相縈旋太古此嶢嶢鳥道晴空懸藤
蘿覆絕壁秋氣高蒼然蕭條幾板屋時復見炊煙山空
百蟲響微風淒鳴泉危坐擁孤燭夜久音逾宣層陰翳
前瀨明發盡洄沿

舟曉

雞鳴萌萬動高枕自悠然荒驛延初日秋林羸宿煙野
童趨牧早水鳥浴沙圓倒噴灘流惡輕橈載客眠

橫石灘

太行詎云高呂梁未爲深一灘復一灘巨石橫古今危
舟不可上長年聲欲暗憑舷厲輕篙逆流爭尺尋我欲

持長鏡鏊此頑崖陰慨想伏波語九谿毒且淫極目秋
風外浩蕩孤飛禽

大風上九巖灘

風勢晚來厲吹人上九巖孤帆不可度舟子慘相依亂
壑蛟龍鬪荒天雨雪飛敢云仗忠信履險豈知幾

百曳灘

相傳後漢劉尙征蠻至此百夫曳之不能上

劉尙陳師日扁舟竟未還可憐南郡卒不入武谿蠻笳
鼓連荒服烽煙斷廢關

辰谿縣境有劉尙城故址爲昔日屯兵之所

至今灘

上水餘恨響潺湲

暮投清平驛

際曉轉灘石一身試萬艱灘外見辰州江清晚無瀾眾
山映空翠蒼蒼返照寒獨鳥投寥廓哀狄鳴嶺岼岸轉
水霧密村靜竹柏閑清風間雞犬居人方掩關客感集
荒驛長夜何漫漫秋蟲響不止零露淒已團

辰州府

沅陵故阨塞巖徑多官郵置郡自何代屯守羣山陬朝
曦隱窳窳寒霧亘天浮岸敲楓杉茂谿清鷗鷺遊巖城
控南徼飛甍連層邱闐闐古雄鎮鼓角風颼颼吁嗟盤
瓠種出沒谿峒幽往年鎮筮患茲地爲咽喉傅公龜實
傑出談笑靖戈矛防邊無異術未雨先綢繆英魂尙祠

字典型不可求書生輕道路慷慨橫吳鉤

沙谿驛

古驛沙谿側飛帆午漲新急湍崩亂石宿霧下荒榛擔
負多蠻女征徭損戍人栖栖江上客奔走豈謀身

瀘谿縣夜泊

客行瀘谿縣蒼蒼白日暮雞犬不聞聲繫纜岸旁樹邑
小若無人地寒惟有霧暝色際危峯烏啼滿荒戍悄然
夢未安空闊如有悟晨光漾前灘驚流更洄沂

仙人屋歌

在馬嘴巖屋嵌絕壁歷歷
在望屋中有木積寶劍云

仙人乘鸞遊太清交疏綺棟空崢嶸白波滌浙山冥冥

恍如丹房紫洞凌蓬瀛屋中何有積盈尺得毋瓊編與
玉冊芙蓉千古不生花魄黯光沈湛寒碧白雲片片隨
風吹松花寂寞生青苔瑤池青鳥不可見仙之人兮歸
去來
容白龍巖
白龍在層霄倏忽不可覓飛來踏巨波化爲千仞壁當
風蟠虯縹鱗爪猶歷歷嘯吸百蠻雲橫空間霹靂

浦市夜泊

暮色已如此扁舟何所之風鬢牽纜重灘迴櫂舟遲樓
閣連檣外汀洲落雁時寒江坐蕭瑟微火一篷敲

辰谿縣

江寒霜露下獨叩辰谿舷仲秋忽已盡萬象何蕭然中
流橫彩鷁簫鼓鳴遠天楚人尙巫祝眾媿妙姬娟悲風
颯靈旆照耀斜日妍高甍倒屣阿欄檻相鉤連荒城正
宿霽噴薄雲中泉奇骨表巖厂太古摩空懸草昧造靈
秀雷雨爲之宣一線通蠻服跼跼愁飛鳶羈懷莽無際
哀角沈荒煙

木洲

灘路乍陰霽蕭騷景自幽清泉通絕壑叢木識孤洲耕
稼當平世漁樵習釣游雞鳴村舍靜萬綠不知秋

楓林崖

崖上何年寺雨餘楓葉濃客心正愁絕忽聽暮天鐘

自黃谿口至龍頭庵

龍頭庵壁刻山水蒼泐四字

日斜龍頭庵水落黃谿口谿口幾漁家疏煙糝衰柳山
水何蒼泐磨厓字如斗不見庵中僧飛泉自鳴吼

渡惡灘

瘴雨蠻煙去權涼孤灘如馬起中央不須更話瞿唐險
兩岸猿聲已斷腸

黃獅滾洞灘

人言黃獅灘扁舟不可上青冥湧巨濤何如鬪犀象

風篷巖

山色送行人不憂風力猛長江爲巨舟青天挂帆影

安江驛

安江秋色霽驛路渺人煙諸葛荒營盡牂柯落日懸賈
兒爭晚市蠻女汲清泉誰識勞勞者憑舷歎逝川

洪江

灘行無窮已行役何其艱悠悠古雄谿水清魚鳥閒秋
高萬峯秀爽氣開百蠻願言躡屐登眺舒心顏扁舟
苦水宿何以適眠餐舟人貰牲醴醉飽神所頒臨流歎
勞人鬢髮愧潺湲

大鷓鴣灘

灘在洪江上數里又有灘名小鷓鴣者在洪江下亦險惡

小灘不容舸大灘何淼漫風搖萬點墨拍拍浪花巔斜
睨猙毒目怒立森老拳張吻欲攫人充彼魴鯉餐洶洶
蹴踏聲震撼十里間前年芷江宰失生茲潺湲舟人不
敢語招魂飛紙錢天胡產此物永為行旅艱

舟夜聞角

寒霧連空客夢迷數星臨水戍樓低秋風何處吹哀角
一夜飛霜下五谿

噴水灘

鼓舵越層崖崩濤浩盈谷亂石礪齒牙厥鋒誰能劘吁

嗟蠻荒地疇昔屯瘴毒蛇虺穴其間虎豹不敢觸一線
闢鴻荒艱險逾巴蜀我舟忽退飛失勢方躑躅一葉脫
危縴瞬息千丈速榜人盡色戰乘流施鐵鹿衣裯那足
嗟幸未飽魚腹倚篷曬敝書驚定看朝旭

舟夜聞雨夢姚梅伯

變

欲覺聞殘雨傷心夜夢非波濤吾不死烽火汝誰依患
難憐歧路悲歌仗布衣風塵何日息相見有漁磯

雨霽泊黔陽縣城外登芙蓉樓送客亭而返

雨歇翠微深歸雲送餘滴短篷上晴曦欸乃寒城夕煙
淨數村明葉下空波積嵐光擁麗譙荒景出丹碧石泉

吐涓涓灘風吹激激目因奇觀豁心與澄流滌衰柳倚
嶢嶢虛亭得岑寂不見送客人解纜去孤驛寒烟又

高粱洞

亂山落飛湍直下莫能束茲灘轉迂威拘怒震林谷洞
門立哈呀萬古自停蓄盤空雷隱耳穿罅雪盈日船尾
如曳龜船頭如飲犢篙槳苦難施左右相迫蹙邪許集
舟人環環緯在腹出險祇須臾快若逃桎梏伐鼓謝江
神荒祠倚崖木

榆樹灣

征途忽清曠客權入沅州灘勢緣山折猿啼向夕幽婆

娑餘古樹浩蕩對閒鷗霧雨江天暗停橈起暮愁

羅舊驛舟夜

夜深羣籟息何處鳥絲蠻況值秋風候能彫旅客顏戍
荒兵播穀烽靜月銜山杯酒陶羈思休言道路艱

沅州府

打鼓沅州驛江程秋氣多城高盤磴起橋臥偃檣過水
國憂風雨晨光泛薜蘿黔山從此近隔岸雜蠻歌

打卦灘

我聞蒼梧野有山名六爻茲灘何爲者畫若兩儀交元
黃旣剖判陰陽不可淆因思太極初萬象方渾包睽兆

伊何人造物毋乃勞末流競神鬼繁言一何謏吾生信
前定窮達隨所遭

暮至便水驛

村市多寥落谿流古驛亭雨蒸山葉暗瘴下藥苗腥宿
鳥依寒石閒雲媚遠汀流泉響何處琴筑奏泠泠

滿天星謠

亦灘名

何年天上星墮地化爲石纍纍復纍纍寒裳愁日夕
牽牛與織女脈脈不可招安得干烏鵲填河作長橋
南斗工鼓瑟北斗爲我歌河畔多悲風欲渡奈公何

自晃州驛至龍谿口

倚櫂問黔程秋風感陳迹市聲喧谿頭已過晃州驛山
光低短篷日色蕩高壁裊裊芙蓉花影落蠻天碧

藤蘿灘

天逼中流窄扁舟未可升繁霜彫臥柳疊嶂倒垂藤搖
落秋容老馳驅歲月增世途嗟梗澀華髮莽相仍

萬卷書巖

箋注紛拏豈足稱誰知萬卷在峻嶒颿輪我欲尋天闕
蝨簡今難問羽陵洞室何年宣祕鑰縹緗終古護蒼藤
書生不具封侯骨南面猶誇坐擁能

九日雨泊玉屏縣城外寄懷崑臣伯兄

兄弟離緒苦忍淚寫家書九日清尊在孤舟客感餘南
天鴻雁斷中澤鯉魚疏回憶兒時趣青鐙尙敞廬

響水洞

亂山入黔郡秋色凌孤清亭午息羣翳白日中天明地
寒霜葉麗風靜微波生石氣浩飛瀑因知朝雨晴巖城
百雉列樓閣千翬呈薜蘿拂欄楯雲霞流簷楹不知遼
古初茲焉誰所營智慧失淳悶雕鑿誇崢嶸徒令百世
後過客愕且驚神仙在人境何者爲蓬瀛

清谿縣

盡日清谿道飄蕭落木疏暖風秋後瘴野屋峒人居邑

僻稀聞犬灘荒不受魚瑞雲山色好樓閣渺晴虛

懷潘四梅兄

煥龍

夢向黃州訪君去江天風雪正模糊它年好倩荆關手
寫我扁舟憶友圖

自焦谿陸行至鎮遠府途中作

七旬厭水宿遵陸舍輕舟艱哉黔中山古道阻且修上
有萬仞岡下爲百丈湫側身一失足將爲魚鼈求危棧
蔽荆棘亂石橫戈矛荒風作瘴霧怪鳥紛啁啾勞勞行
役者去來何時休立馬舒遠眺怒焉心多憂

宛谿橋

橋下卽
澗水也

宛谿橋下水何日復西還欲問滇南路迢遙隔萬山

入鎮遠府遊中河洞

我行入鎮陽始知黔山高立馬望中河孤峯帶危橋亂石盤曲岬佛閣撐岩巖仰攀雲霞表俯瞰猿猱巢嚴霜肅萬彙寒日薄層霄灑江動其下東逝匪崇朝覽茲物象殊慨彼化工勞羈懷觸蒼莽短髮凌回颿

鎮遠衛

九曲岡名懸危磴孤城面巨濤獠安洞穴羽衛肅弓刀

放牧青蕪遠吹箎白日高滇黔此門戶諸將莫辭勞

鎮遠府

西南高極天何年施大斧擘為萬千峯乃有蠻荒土設險黔之東雄郡表江澗截業屏山雲澎溟灑陽雨寨穴習耕氓風煙接樓櫓承平數百載文物已可觀東鄰烹羊牛北里鳴簫鼓飛棟鬱逶迤奇珍獻商賈昔年新息侯曾歎南征苦

吉祥寺弔甘忠果公

公諱文焜遼東人殉吳三桂之難嘗殺妾饗士事見貴州志

古寺瞻遺象孤忠弔國殤張巡能饗士莊躋敢稱王血灑南雲暗魂依北斗長英風猶不散鐘磬莽淒涼

鎮遠雜詩

六首錄二

兩岸青山映畫樓長天寫出灑陽秋西風垂柳蕭蕭色
不是蠻鄉客亦愁
橙黃橘綠憶鄉關江上霜飛客未還但采黃花對樽酌
不知身在五谿間

雨後登青龍巖閣上小憩

黔山表新霽秋氣杳以高陟巘盡嶇嶇欽披霧凌嶠曉飛
蕈切霄霏層閣憑山椒下視蠻煙外萬象開沆寥晴光
動巖壑萬木風蕭蕭清泉不盈掬去作沅江濤暝色速
歸客鱗甲間寒宵

上元亭

鎮遠驛館後倚石屏山東橫大石橋橋南爲中
元洞洞之上有亭面江阮芸臺相國題曰上元
亭有詩紀之

文德關

相國行邊日輶車此屢停我來重九後獨問上元亭霜
氣侵籬菊秋光展石屏題詩人不見風雨正冥冥

昔上居庸塞長城指朝邊今來灑陽道匹馬入蠻天地
可丸泥閉人憐磨蟻旋馳驅足詩卷奚假勒銘傳
相見坡

南征投黔郡日夜殷我憂高堂念游子關河阻且修今

晨越嚴關連嶺高天浮前坡復後坡俯仰如相求迢迢
三十里晤言匪無由天梯極巘岼邃谷踏窅幽置身干
尋巔須臾百丈湫猿鳥競哀嘯藤葛風颼颼我欲招精
衛填此中央流夾道起欄檻駕空爲飛樓相思何絲絲
相見空悠悠翹首望庭闈願假黃鵠游

施秉縣

山泉會灑水盤折入江流荒裔通亭障偏橋扼上游風
煙臨舊衛谿谷少行舟鼓角行人恐牂牁萬里秋

諸葛洞歌

在望城坡南里許一名甕蓬洞相傳武侯征蠻

時所鑿也舟楫難行明黔撫郭子章 國朝

制軍卞三元前後疏濬民甚德之洞中有怪物
狀如兕時出爲害兩岸飛巖中夾一谿復有巨
石屹起中流隨鑿隨長黃平觶子去其篷梩牽
曳而上其出也稍不戒人船俱沒諺云若要此
洞開除非諸葛來今崖半有郭卞二公碑記勒
武侯遺象焉

若要此洞開除非諸葛來諸葛死去已千載至今鐵壁
交崔巍人言濫瀕大于象瞿唐五月猶可上彭城莫歎
百步洪往來不絕行人蹤懸崖沈沈控天黑怪石當關

劃南北奔流，碎激聲如雷。一葉乘風，那可測黃平舟子。
矜英雄咫尺，愁為蛟龍得。疏鑿可憐，民力勞郭下。豈是
隆中曹征蠻，銅鼓落何處。畫象慘澹，懸青霄。行人駐馬
空太息，側身望古中心。忉子規叫血，哀猿走瘴煙。毒雨
迸林藪，作歌誰知黔道難。望城坡上，休回首。

別偏橋驛舍

翼日東發飛雲巖不果遊也

咫尺黃平路，飛雲不可攀。客心若鴻鵠，親舍渺河關。未
踐山靈約，休嗟旅興慳。風霜思擔負，昨夜夢連環。

將之都門自題詩卷後

九月二十日

惆悵江天伴侶孤，京華東去歲云徂。老親笑檢兒行篋

一卷新詩似畫圖

Blank columns for text within a rectangular frame.



